

ABER È QUAI SCHON NORMAL?

Brev da lectur or da la California

Noss vischins, quels èn Arabs. Glied tut en urden – però Arabs. In di hai jau guardà tar els en da fanestra – cun mes swarovski. E mes vaschins, ils Arabs, quels guardavan gist televisiun. In sender arab! En California! "Ma, è quai schon normal?", hai jau lura dumandà a mia dunna.

Insatge tut auter. In di m'ha scrit Gieri dubel W Bush in e-mail:

"Char Men, help me! Inua è vairamain Israel?"

E lura ans avain nus scrit vi e nà mails durant plirs dis.

"Chau Gieri. Cumenzain a l'entschatta: sas Ti quants continents ch'i dat? Dà resposta! Salids Men."

"Char Men. Jau crai ch'i dettia in continent – the United States of America. Right?"

"Chau Gieri. Ti es in tabalori. I dat anc in pèr dapli!"

"Char Men. Oh yeah, sorry. I dat anc Afghanistan and Saudi Arabia. Quels han super bler oil. Isn't it?"

"Chau Gieri. Gea, quels han bler ieli e ti es anc adina in tabalori!"

"Char Men. What's in tabalori?"

"Chau Gieri. Dumonda a tes collega Silvio, quel discurra er ina lingua neolatina!"

"Char Men. Silvio na sa er betg tge che tabalori è. El ha però intunà che el na saja betg la culpa. Ed el ha ditg ch'el knows only tge che 'talibani' saja. Ina provinza taliana?"

"Chau Gieri. Tgi sa sche quels fissan anc parents, tali-bans e tali-ans. Ma ussa vain nus midà magari tema."

"Char Men. Help me! Inua è Israel?"

"Chau Gieri. Ok, Israel è relativamain lunsch davent da l'Europa."

"Char Men. Where the fuck is Europa?"

"Chau Gieri. Bun, faschain pli simpel. Davent da New York has da sgular radund 18 uras! Però tut tenor tge eroplan che ti prendas, dura il sgol mo paucas minutas."

"Char Men. Thanks. And inua è Palestina?"

"Chau Gieri. Palestina è extrem lunsch davent dal Israel."

"Char Men. Quai hai jau anc pensà. Però nagin na taidla pli sin mai. Thanks a lot!"

Tschel di, hai jau puspè guardà cun mes swarovski tar mes vischins, ils Arabs, en da fanestra. Quai è extrem, quels guardan praticamain mintga di televisiun. Aber è quai schon normal?